

- nakon proteka roka za podnošenje prigovora od strane učesnika na Konkursu na zaključak Komisije, zaključak o rezultatima Konkursa sa prigovorima dostavlja općinskom načelniku koji Općinskom vijeću predlaže rješenje o davanju prava korištenja ribljeg fonda.

Član 3.

Stručne i druge poslove za potrebe komisije obavljat će Služba za privredu i finansije.

Član 4.

Ova odluka stupa na snagu osmog dana od dana donošenja, a objavit će se u "Službenim novinama Kantona Sarajevo".

Broj 01-02-312/04-9
4. marta 2004. godine
Ilidža

Predsjedavajući
Miroslav Močević, s. r.

Na osnovu člana 39. a u vezi sa članom 50. Zakona o radnim odnosima i plaćama službenika organa uprave u Kantonu Sarajevo - prečišćeni tekst ("Službene novine Kantona Sarajevo", br. 25/01 i 33/01) i člana 36. Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža na sjednici održanoj dana 4. marta 2004. godine, donijelo je

ODLUKU

**O KOEFICIJENTIMA ZA OBRAČUN PLAĆA
PRAVOBRANIOCA, ZAMJENIKA PRAVOBRANIOCA,
SLUŽBENIKA I NAMJEŠTENIKA
PRAVOBRANILAŠTVA OPĆINE ILIDŽA**

Član 1.

Ovom odlukom utvrđuju se koeficijenti za obračun plaća pravobranioca i zamjenika pravobranioca i ostalih uposlenih u Pravobranilaštvu Općine Ilidža.

Član 2.

Koeficijenti za plaće utvrđuju se u vrijednostima kako slijedi:

- a) pravobranilac - 9,70
- b) zamjenik pravobranioca - 9,30
- c) stručni saradnik za pripremu predmeta - 6,60
- d) mlađi referent za administrativne poslove - upisničar - 5,00
- e) mlađi referent za administrativne poslove - 5,00
- f) vozač-dostavljač - 5,00

Član 3.

Ova odluka stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se od 25. 9. 2003. godine.

Broj 01-02-312/04-8
4. marta 2004. godine
Ilidža

Predsjedavajući
Miroslav Močević, s. r.

Na osnovu čl. 49. i 56. Zakona o prostornom uređenju Kantona Sarajevo ("Službene novine Kantona Sarajevo", br. 13/99, 19/99, 24/01 i 32/01) i člana 29. tačka 2. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00), Općinsko vijeće Ilidža, na sjednici održanoj dana 4. marta 2004. godine, donijelo je

ODLUKU

**O PRISTUPANJU IZRADI IZMJENA I DOPUNA
REGULACIONOG PLANA
BANJSKO-REKREATIVNOG KOMPLEKSA ILIDŽA**

Član 1.

Pristupa se izradi Izmjena i dopuna Regulacionog plana Banjsko-rekreativnog kompleksa Ilidža (u daljem tekstu: Plan).

Član 2.

Granica obuhvata Regulacionog plana banjsko-rekreativnog kompleksa Ilidža:

Granica obuhvata počinje od tromeđe parcela k.č. 1067, 1064 i 2093 (Hrasnička ulica), ide na sjeverozapad lijevom stranom Hrasničke ulice k.č. 2093 (obuhvata je) i dolazi do mosta na rijeci Željeznici, lomi se idući na jugoistok uzvodno lijevom obalom regulisanog korita rijeke Željeznice (ne obuhvata je) i dolazi do mjesta gdje se u istu ulijeva potok VečERICA, lomi se idući na jugozapad lijevom obalom regulisanog korita potoka VečERICA kojeg ne obuhvata a obuhvatajući trasu puta Ilidža-Hrasnica i dolazi do Hrasničke ulice k.č. 2093 kojom se lomi idući na sjeverozapad (obuhvata je) i dolazi do njenog raskršća sa putem koji sa jugozapadne strane ide pored Medicinskog instituta (obuhvata institut), odnosno tačke broj 1 koja se nalazi na međi između parcela k.č. 2093 (Hrasnička ulica) i 1467 udaljenoj od jugozapadnog ishodišta lista R = 1:1000 broj 293 po $y = 357$ m a po $x = 43,5$ m, produžava na sjeverozapad idući uz naprijed navedenu saobraćajnicu koju obuhvata a koja ide preko parcela k.č. 1467, 1476, 1475, 1471, 1474, 1473 i 2099, te dolazi do raskršća puteva k.č. 2099 i 1408, produžava na sjeverozapad idući putevima k.č. 1408 i 1405 (obuhvata ih), nastavlja na sjeverozapad idući međama parcela k.č. 1432 i 1427 (obuhvata ih) i izlazi na ulicu Velika aleja k.č. 2097 kojom produžava na sjeveroistok i dolazi do njenog raskršća sa ulicom Bokeljskih mornara k.č. 2095 kojom produžava na sjeverozapad, skreće na sjeveroistok idući ulicom Lužanski put do njegovog kraja, nastavlja na sjeveroistok idući trasom projektovane saobraćajnice koju ne obuhvata a koja ide preko parcela k.č. 1043/3, 1019/2, 1057/11, 1057/13, 1060/1, 1062, 1069, 1057/3 i 1064 te dolazi do tromeđe odnosno mjesta odakle je opis granice i počeo.

Sve naprijed navedene parcele nalaze se u K.O. Ilidža.
Ukupna površina obuhvata iznosi 44,55 ha.

Granica područja u kojem se vrše izmjene i dopune Plana:

Granica područja u kojem se vrši izmjena Plana obuhvata područje čija granica polazi od tromeđe parcela k.č. 2093 (Hrasnička ulica), 1450 i 2107 (rijeke Željeznica), ide na jugoistok lijevom obalom uzvodno od rijeke Željeznice, koju ne obuhvata te dolazi do mjesta gdje se u istu ulijeva potok VečERICA, lomi se idući na jugozapad lijevom obalom regulisanog potoka (uzvodno) VečERICA koju ne obuhvata a obuhvatajući trasu puta Ilidža-Hrasnica te dolazi do raskršća trase puta Ilidža-Hrasnica i Hrasničke ceste k.č. 2093, lomi se idući na sjever te sjeverozapad Hrasničkom cestom k.č. 2093 koju obuhvata te dolazi do tromeđe odnosno mjesta odakle je opis granice prostornog obuhvata Izmjene i dopune Plana i počeo.

Sve naprijed navedene parcele nalaze se u K.O. Ilidža.
Ukupna površina obuhvata iznosi 15,44 ha.

Član 3.

Ove izmjene i dopune Regulacionog plana banjsko-rekreativnog kompleksa Ilidža donose se za period od 10 godina, odnosno za period od 2004. do 2014. godine.

Član 4.

Smjernice za izradu Plana:

- Unutar granica koje definišu građevinsko zemljište na kome se vrši izmjena i dopuna Regulacionog plana Banjsko-rekreativnog kompleksa Ilidža, potrebno je obezbijediti prostor za osnovne funkcije:
 1. multikonfesionalni centar
 2. edukativni centar tehnoloških izvrsnosti - MET
 3. visokoškolsvo - univerzitet
 4. hotelsko-turistički i rekreativni centar "Bazen Ilidža"

- Multikonfesionalni centar locirati u trokutu Hrasnička cesta - rijeka Željeznica u produžetku osovine "Iliđanske aleje".
- Procijenjena potrebna površina zemljišta za ove potrebe iznosi cca 1-2 ha.
- Unutar ovog kompleksa predvidjeti smještaj vjerskih objekata za sve četiri konfesije, i to:
 - a. Islamske vjeroispovjesti
 - b. Pravoslavne vjeroispovijesti
 - c. Katoličke vjeroispovijesti
 - d. Jevrejske vjeroispovijesti
- Lociranje objekata pojedinih vjeroispovjesti locirati na već dodijeljenim građevinskim parcelama koje su verificirane odlukom Općinskog vijeća.
- Uz vjerske objekte u okviru kompleksa, predvidjeti izgradnju promotivnog centra vjerskih zajednica u obimu od min. 3.500 m² do max. 5.000 m², spratnosti P-P+1.
- Unutar ovog ansambla omogućiti, u slučaju potrebe, realizaciju stambenog prostora za vjerske službenike. Ukupan broj stambenih jedinica ne može preći četiri sa maksimalnom neto kvadraturom jedinice od 64 m².
- U sklopu promotivnog centra omogućiti smještaj, osim sadržaja koji su vezani za promociju i druge potrebe vjerskih zajednica, sadržaja koji su u funkciji turističke ponude (turist-biro, ugostiteljstvo, prodaja novina, bižuterije, nakita, galerije slika i sl.).
- Parkiranje osobnih vozila za ove potrebe planirati izvan kompleksa na centralnim parkinzima namijenjenim ukupnom funkcionisanju banjско-rekreativnom kompleksu Iliđža.
- Edukativni centar tehnoloških izvrsnosti smjestiti na prostor koji je u kontaktu sa Multikonfesionalnim centrom, na površini veličine cca 1,0 ha, a na lokaciji koja je verifikovana od strane Općinskog vijeća.
- Sadržaje i potrebnu kvadraturu građevinskog fonda predvidjeti u skladu sa programom investitora (fondacije MET) s tim da koeficijent izgrađenosti, posmatrano u odnosu na dodijeljeno građevinsko zemljište ne može preći 0,50.
- Spratnost objekata usaglasiti sa urbanističkom kompozicijom cjelokupnog prostora koji se razmatra Izmjenama i dopunama Regulacionog plana.
- Visokoškolski kompleks smjestiti na krajnjem jugoistoku kompleksa koji se ovim izmjenama razmatra sa površinom građevinskog zemljišta od cca 5-6 ha.
- Izgradnja neophodnog građevinskog fonda usaglasiti sa programom investitora, a koji će nosioca izrade obezbijediti nadležni općinski organ.
- Hotelsko-turistički i rekreativni centar "Bazen Iliđža" smjestiti u zoni postojećeg bazena.
- Programski i prostorno ovu površinu koncipirati kao atraktivnu turističku ponudu ukupnog banjско-rekreativnog kompleksa Iliđža, a u skladu sa raspoloživim prostornim mogućnostima i postojećim prirodnim i stvorenim vrijednostima.
- Unutar predloženog programa obavezno je predvidjeti:
 - hotel sa pratećim sadržajima, kapaciteta min. 200 ležajeva,
 - sadržaje aktivne rekreacije,
 - mogućnost preoblikovanja i povećanja vodene površine postojećeg bazena.
- Cjelokupno razmatrani prostor treba kvalitetno hortikulturno urediti.
- Najveći postotak zelenila tretirati kao javne zelene površine s tim da se zelenilo unutar zemljišta namijenjeno pojedinim korisnicima kompoziciono usaglasiti sa cjelokupnim prostorom koji se razmatra i omogućiti

korištenje istog od strane drugih konzumenata ponude banjско-rekreativnog kompleksa Iliđža. Kako bi se ovom zahtjevu udovoljilo putem Odluke o provođenju plana spriječiti podizanje ograda od čvrstog materijala.

- Poželjno je da koncept uređenja zelenih površina predstavlja kontinuitet historijskih parkova Iliđže.
- Saobraćajnice neophodne ovom prostoru u potpunosti moraju biti usklađene sa saobraćajnom matricom utvrđenom u osnovnom prostorno-planskom dokumentu (Regulacioni plan banjско-rekreativnog kompleksa Iliđža).
- Cjelokupni prostor opremiti neophodnom mrežom komunalne infrastrukture.

Član 5.

Rok za izradu Plana je pet (5) mjeseci od dana donošenja ove odluke.

Član 6.

Sredstva potrebna za realizaciju poslova putem spoljne saradnje institucija i eksperata obezbijedit će Općina Iliđža iz budžeta za 2004. godinu u ukupnom iznosu od 19.500,00 KM.

Član 7.

Nosioci pripreme Plana je načelnik Općine Iliđža (u daljem tekstu: Nosilac pripreme Plana).

Nosilac izrade Plana je Zavod za planiranje razvoja Kantona Sarajevo (u daljem tekstu: Nosilac izrade Plana) u saradnji sa kantonalnim Zavodom za zaštitu kulturno-historijskog i prirodnog naslijeđa Sarajevo i Zavodom za izgradnju Kantona Sarajevo.

Član 8.

Nosilac pripreme Plana utvrđuje Nacrt plana te ga podnosi Općinskom vijeću Iliđža na razmatranje i stavljanje na javni uvid i raspravu u trajanju od 30 dana.

Na osnovu rezultata javne rasprave o Nacrtu plana, Nosilac pripreme Plana utvrđuje Prijedlog plana i podnosi ga Općinskim vijećima Iliđža na donošenje.

Uz Prijedlog plana, Nosilac pripreme Plana dužan je Općinskom vijeću Iliđža dostaviti, uz obrazloženje, prijedloge i mišljenja na Nacrt plana koji nisu mogli biti usvojeni.

Član 9.

Subjekti planiranja su: Općina Iliđža, Kantonalni Zavod za zaštitu kulturno-historijskog i prirodnog naslijeđa Sarajevo, Muzej Sarajeva, Zavod za izgradnju Kantona Sarajevo, Ministarstvo prostornog uređenja i zaštite okoliša, Ministarstvo prometa i komunikacija, Ministarstvo kulture i sporta - Kantona Sarajevo, te javna i javna komunalna preduzeća, vlasnici i korisnici prostora, mjesna zajednica, drugi zainteresirani subjekti i potencijalni investitori i korisnici prostora.

Član 10.

Utvrđuje se režim zabrane građenja na području koje je obuhvaćeno Izmjenama i dopunama Plana do donošenja Izmjena i dopuna Plana.

Na području koje nije obuhvaćeno Izmjenama i dopuna Plana građenje je dozvoljeno isključivo ukoliko je u skladu sa Regulacionim planom Banjско-rekreativnog kompleksa Iliđža ("Službene novine Grada Sarajeva", broj 20/90).

Član 11.

Sastavni dio ove odluke je grafički prilog - prostorni obuhvat Plana prema opisu datom u članu 3. ove odluke.



Član 12.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Predsjedavajući
Miroslav Močević, s. r.

R.P. BANJSKO-REKREATIVNOG KOMPLEKSA ILIDŽA

IZVOD IZ URBANISTIČKOG PLANA GRADA SARAJEVA,
ZA URBANO PODRUČJE SARAJEVA

-  granica prostornog obuhvata plana
-  granica obuhvata plana u kojem se vrše izmjene i dopune

1:5000

